

Æskulýðsstarf Hestamannafélagsins Andvara



Skýrsla starfsársins 2011

Í Æskulýðsnefnd Andvara voru eftirtaldir árið 2011:

Formaður: *Hrafnhildur Pálsdóttir*

Gjaldkeri: *Lárus Finnbogason*

Aðrir nefndarmenn:

Ásrún Óladóttir

Guðrún Helga Jóhannsdóttir

Elísabet Sveinsdóttir

Haraldur Pétursson

Hulda Rúriksdóttir

Rósa Kristinsdóttir

Sigríður Óladóttir

Sigurður Ólafsson

Sævar Guðbergsson

Upphafshátíð

Upphafshátíð Æskulýðsdeildarinnar var haldin sunnudaginn 9.janúar. Þar var m.a dagskrá vetrarins kynnt og reiðkennarar fóru yfir fyrirkomulag á námskeiðum vetrarins.



Einnig voru reiðkennararnir með geysilega skemmtilega spurningakeppni fyrir krakkana.

Námskeiðahald

Æskulýðsnefndin stóð fyrir eftirfarandi námskeiðum: Pollanámskeið fyrir yngstu börnin, krakkanámskeið, knapamerki 1 – 5 og keppnisnámsskeið

Reiðkennararnir Jelena Ohm, Þórdís Anna Gylfadóttir sáu um kennsluna s.l. vetur ásamt Erlu Guðný Gylfadóttur.

Garðabær styrkti æskulýðsstarfið rausnarlega og var stór hluti af því notaður til að niðurgreiða námskeiðin.

Knapamerki . Boðið var upp á kennslu í knapamerkjunum vinsælu í vetur. Bóklegu tímarnir hófust 25.október. Í byrjun janúar var svo farið af stað með verklegu tímana í reiðhöllinni. Kennarar á námskeiðunum voru Þórdís Anna Gylfadóttir sem kenndi knapamerki 1, 3, 4 og 5 og Jelena Ohm sem kenndi knapamerki 2. Sjö kláruðu knapamerki 1, fimm kláruðu knapamerki 2, fjórir kláruðu knapamerki 3, átta tókur knapamerki 4 og þrír kláruðu knapamerki 5. Allir þessir nemendur stóðu sig mjög vel.



Ellen María Gunnarsdóttir fékk viðurkenningu fyrir framúrskarandi árangur, ástundun og hæstu einkunn í bóklegu og verklegu námi á Knapamerkjastigi 5 árið 2011 frá Háskólanum á Hólum

Pollanámskeiðið var ætluð yngsta aldurshóp hestamennskunnar. Boðið var upp á námskeið í janúar og annað mars. Hvort námskeið var 6 skipti og það voru þrettán sem nýttu sér það.



Krakkanámskeiðið var ætlað þeim sem lengra eru komnir en hafa ekki aldur til



að fara á knapamerkjanámskeið, en aldurstakmark þar er 12 ár

Námskeiðið var 6 skipti og voru 15 krakkar á því.

Polla- og krakkanámskeiðunum lauk með þrautabrautarkeppni sem haldin í reiðhöll Andvara.

Þátttakendur á þessum námskeiðum og aðstandendur þeirra voru almennt mjög ánægðir með fyrirkomulag og kennsluna.

Keppnisnámskeið var fyrir börn, unglinga og ungmenni í Andvara og var því ætlað að styðja við bakið á þeim sem vildu styrkja stöðu sína á því sviði og undirbúa sig og hesta sína fyrir keppnir.

Námskeiðið hófst í byrjun mars og fór fram í reiðhöll Andvara.

22 þátttakendur voru á þessu námskeiði og byrjað var með að kenna í þriggja manna hópum en síðan var farið að kenna einstaklingslega og fékk hver þátttakandi þá 20 mín einu sinni til tvisvar sinnum vikur. Þótti það fyrirkomulag takast mjög vel. Kennari fylgdi síðan þeim krökkum sem komust inn á landsmót norður og var þeim sem þess óskuðu til halds og traust.

Krakkarnir okkar voru mjög dugleg að mæta á mót í vetur og sumar og stóðu sig með þryði á þeim.



Smalanámskeið. Boðið var upp á helgarnámskeið í Smalanum sem lauk með keppni milli þeirra sem sóttu námskeiðið ásamt þeim sem vildi taka þátt en höfðu ekki haft tæk á að koma á námskeiðið.

Krakkadagurinn.

Hinn árlegi krakkadagur Andvara var haldinn sunnudaginn 20.febrúar. Dagurinn tókst mjög vel og voru það ánægð börn sem léku sér í reiðhöllinni í hoppukastölum og með leiktækjum á meðan eldri börnin sátu fyrirlestur hjá Sigurjóni Hendrikssyni sjúkraflutningamanni og hestamanni um hvernig skuli bregðast við óhöppum eða slysum sem geta átt sér stað í hestamennskunni.



Æskan og hesturinn

Æfingar hófust í lok janúar fyrir eldri sýningahópin og voru einu sinni í viku í reiðhöllinni á Kjóavöllum með dyggri leiðsögn Jelenu Ohm. Allir þeir sem höfðu áhuga á því að taka þátt leyft að vera með og vorum við í samstarfi við Æskulýðsdeild Gusts. Það voru því krakkar úr báðum félögum sem tóku þátt.



Síðan kom í ljós að hinn árlegi viðburður Æskan og hesturinn yrði ekki með sama sniði og undanfarin ár, heldur yrði hún í tengslum við hestadaga í Reykjavík. Þar sem æfingar voru komnar vel á veg fengum við að taka þátt í stórsýningu

hestamanna sem var í reiðhöllinni í Víðdal föstudaginn 1.apríl og stóðu krakkarnir sig mjög vel

Laugardaginn 2.apríl tóku yngstu knaparnir Andvara þátt í grímureið í Húsdýragarðinum í Laugardal

10 – 12 ára krakkar félagsins voru hinsvegar búin að æfa sérstakt smalaatriði sem þau sýndu við góðar undirtektir í Húsdýragarðinum þann sama dag.



Æskulýðsleikar Andvara og Gusts



Æskulýðsleikarnir eru orðnir að árlegum viðburði hjá félaginu og er venjan að halda þá 1.maí. Í ár var ákveðið að halda leikana í samstarfi við Æskulýðsdeild Gust og tókst það samstarf mjög vel. Hinsvegar voru veðurguðirnir okkur ekki hliðhollir og urðum við að fresta mótinu vegna gífurlegrar snjókomu til þriðjudagsins 3.maí og var þá komið blíðskaparveður. 42 keppendur voru skráðir til leiks í þetta skiptið.

Börn, unglingar og ungmenni kepptu á hringvellinum í formi gæðingakeppni og máttu þátttakendur mæta með fleiri en einn hest til að sjá hvernig þeir myndu skora.

Pollaflokkur var inni í reiðhöll og fengu allir pollarnir verðlaunapening fyrir þátttöku og umsögn dómara.



Meðan á mótinu stóð var boðið upp á grillaðar pylsur og gos við BM Vallá og Úrvalseldhús var styrktaraðilar að mótinu.



Umhverfisdagurinn

Umhverfisnefnd Andvara leitaði til æskulýðsnefndar um aðstoð á því að fegra umhverfið með tiltekt. Margir duglegir krakkar mættu og aðstoðuðu foreldra sína við að hreinsa upp rusl sem hafði safnast yfir veturinn. Eftir mikið hreinsunarstarf var boðið upp á pizzur og gos.

Uppskeruhátíð Æskulýðsnefndarinnar



Uppskeruhátíð Æskulýðsnefndar Andvara var miðvikudaginn 8.júni Þar var m.a afhent knapamerkjaskírteini og skírteini fyrir námskeið vetrarins. Einnig voru valdir efnilegustu knapar félagsing þetta árið. Fyrir valinu urður Birta Ingadóttir og Alexander Ísak Sigurðsson. Þessir knapar hafa verið dugleg við útreiðar og tekið þátt í hinum ýmsu mótum, bæði hjá Andvara og á öðrum opnum mótum, með góðum árangri.



Landsmótsferð barna, unglinga og ungmenna frá Andvara

Það var fullskipað í alla flokka barna, unglinga og ungmenna hjá Andvara. Það má segja að allir þeir sem voru svo lánsamir að hafa náð því marki að komast í „Landsmótshópin“, hafi haft mikið fyrir því þó að reyndar megi jafnframt segja að Andvari eigi miklu fleiri meðlimi á þessu aldurstigi, sem hefðu fyllilega getað staðið jafnfætis öðrum á Landsmótinu. Það voru hinsvegar fjöldatakmörkanirnar sem réðu því hversu margir fengu að fara. Fimm einstaklingar / hestar kepptu í hverjum flokki.

Flestir keppniskrakkarnir fóru norður í Skagafjörð á fimmtudegi áður en fyrsti keppnisdagur mótsins var haldinn (sem var á sunnudegi 26. júní). Þau Erla Guðný Gylfadóttir og Jón Ólafur Guðmundsson voru öllum krökkunum til stuðnings og leiðbeindu öllum sem þess óskuðu á keppnisvellingum fyrir mótið og stóðu þau sig með stakri þryði. Æfingar voru fyrir allan hópinn dagana fyrir byrjun mótsins. Félagið leigði fyrir keppendur þessara flokka, félagsheimilið Árgarð sem var stutt frá mótssvæðinu. Þar gátu allir þeir gist af keppendum og aðstandendum þeirra, sem þess óskuðu og má segja að félagsheimilið hafi verið fullnýtt allan tímann sem Andvara-félagar voru á mótssvæðinu. Þá var tvisvar sinnum haldinn sameiginlegur matur í félagsheimilinu fyrir alla keppendur í þessum flokkum og má segja að þá hafi verið setið í hverjum stól.



Börn, unglingar og ungmenni úr hópi Andvara voru félagi sínu til sóma á Landsmótinu. Þrír komust milliriðla í ungmennaflokk og Ellen María Gunnarsdóttir varð í níunda sæti. Tveir komust í milliriðla í unglingaflokki og Birna Ósk Ólafsdóttir varð í sjöunda sæti. Tveir komust í milliriðla í barnaflokki og Birta Ingadóttir varð í áttunda sæti.

Við opnunarhátíð Landsmótsins á fimmtudaginn 30. júní fóru allir keppniskrakkarnir sem voru á svæðinu frá Andvara undir merkjum félagsins svo að félagsmenn sem á horfðu fylltust stolti.

